



„REGIONALNA DEPONIJA MOŠĆANICA“ d.o.o. ZENICA
Moščanica bb, 72000 Zenica, BiH
Tel: 032/446-360, Fax: 032/446-634,
www.rdm.ba e-mail: javnenabavke@rdm.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Na osnovu člana 35. Statuta Privrednog društva "REGIONALNA DEPONIJA MOŠĆANICA" d.o.o. Zenica, broj: 02-01-5296/08 (OPU: 833/08) od 06.03.2008. godine, sa izmjenama i dopunama: OPU-IP: 359/09 od 06.10.2009. godine, OPU-IP: 135/11 od 11.04.2011. godine, OPU-IP: 315/14 od 29.08.2014. godine, OPU-IP: 163/20 od 03.07.2020. godine, OPU-IP: 390/20 od 10.12.2020. godine, OPU-IP: 225/21 od 10.06.2021. godine i broj: 02-45-10173/25 od 05.05.2025. godine, a u skladu sa Odlukom o prodaji rabljenih sredstava broj: 02-344/26 od 15.06.2026. godine, "REGIONALNA DEPONIJA MOŠĆANICA" d.o.o. Zenica objavljuje:

JAVNI OGLAS za prodaju rabljenih sredstava

I PREDMET PRODAJE

Predmet ovog Javnog oglasa je prodaja rabljenih osnovnih sredstava u vlasništvu Privrednog društva „REGIONALNA DEPONIJA MOŠĆANICA“ d.o.o. Zenica, prema sljedećim identifikacionim i tehničkim karakteristikama:

a) LOT 1 - Kamion kiper marke „MAN“

- **Marka i tip vozila:** MAN – kamion kiper
- **Proizveden:** 2006. godine
- **Prva registracija:** 2009. godine
- **Boja:** bijela
- **Broj šasije:** WMHAH26ZZ37M469512
- **Broj motora:** 50515012301504
- **Pređena kilometraža:** 80.000 km
- **Status vozila:** Vozilo je neregistrovano i nalazi se u zatečenom tehnički ispravnom stanju.

b) LOT 2 - Presa za baliranje

- **Marka i tip:** L 30-2, LUX,
- **Vertikalna,**
- **Dvokomorna,**
- **Proizvedena:** 2008. godine,
- **Jačina potiska:** 30 tona,
- **Dimenzije bale približno:** 120 cm x 90 cm x 80 cm.

c) LOT 3 - Sjeckalica za drvo

- **Marka:** LS 120D,
- **Proizvedena:** 2010. godine,
- **Pogonsko gorivo:** dizel,
- **Učinak:** cca 12m³/h,
- **Promjer glave rezača:** 560 mm,
- **Broj noževa:** 2,
- **Brzina usitnjavanja:** 42 m/s,
- **Prorez za uvlačenje granja:** 290x220 mm,
- **Promjer:** 220 mm,

- **Izlazna snaga motora: 28,5KS/21KW.**

II POČETNA PRODAJNA CIJENA

a) LOT 1 - Kamion kiper marke „MAN”

Početna prodajna cijena teretnog motornog vozila iz tačke (I) ovog Javnog oglasa iznosi: **27.000 KM (sa PDV-om).**

b) LOT 2 - Presa za baliranje

Početna prodajna cijena Prese za baliranje iz tačke (I) ovog Javnog oglasa iznosi: **10.915 KM (sa PDV-om).**

c) LOT 3 - Sjeckalica za drvo

Početna prodajna cijena sjeckalice za drvo je iz tačke (I) ovog Javnog oglasa iznosi: **8.350 KM (sa PDV-om).**

Ponude sa iznosom nižim od početne prodajne cijene za pojedini LOT neće se uzimati u razmatranje i smatrat će se neprihvatljivim.

III NAČIN PRODAJE I KRITERIJ ZA IZBOR

- (1) *Prodaja stalnih sredstava izvršit će se putem javnog nadmetanja, prikupljanjem zatvorenih pisanih ponuda za svaki LOT posebno.*
- (2) *Kriterij za izbor najpovoljnijeg ponuđača je najviša ponuđena ukupna cijena za pojedini LOT, uz uslov da ponuđač ispunjava sve formalno-pravne i tehničke zahtjeve iz ovog Javnog oglasa.*
- (3) *Svaki LOT predstavlja zaseban predmet prodaje, te ponuđači mogu podnijeti ponudu za jedan, više ili sve LOT-ove.*
- (4) *Za svaki LOT donosi se posebna odluka o izboru najpovoljnijeg ponuđača.*

IV OBJAVA OGLASA

- (1) *Ovaj Javni oglas objavljuje se na službenoj web stranici Privrednog društva „REGIONALNA DEPONIJIA MOŠĆANICA“ d.o.o. Zenica (www.rdm.ba) i na službenoj web stranici Grada Zenica (www.zenica.ba).*

V UVID U PREDMETE PRODAJE I USLOVI PRODAJE

- (1) *Predmeti prodaje mogu se pregledati svakim radnim danom od dana objave Oglasa pa do dana određenog za dostavljanje ponuda, u vremenu od **09:00 do 15:00 sati**, na lokaciji Regionalna deponija "Mošćanica", Mošćanica bb, Zenica, uz prethodnu najavu na broj telefona: **032/446-360**.*
- (2) *Prodaja predmeta vrši se isključivo po principu „**viđeno – kupljeno**“ u **zatečenom stanju**, što isključuje svako pravo kupca na naknadne prigovore, reklamacije, žalbe ili zahtjeve za naknadu štete prema Prodavcu po osnovu tehničkih, vizuelnih, skrivenih ili bilo kakvih drugih nedostataka na predmetima prodaje.*

VI PRAVO UČEŠĆA I KAUCIJA

- (1) *Pravo učešća na Javnom oglasu imaju sva domaća i strana fizička i pravna lica koja najkasnije do **24.06.2026. godine do 12:00 sati** izvrše uplatu kaucije (depozita), i to:*
 - **10.000,00 KM za LOT 1 – Kamion MAN;**
 - **1.000,00 KM za LOT 2 – Presa za baliranje;**
 - **1.000,00 KM za LOT 3 – Sjeckalica za drvo.**
- (2) *Kaucija se uplaćuje na transakcijski račun Privrednog društva „REGIONALNA DEPONIJIA MOŠĆANICA“ d.o.o. Zenica broj: **1861610310717182** otvoren kod ZiraatBank BH d.d., sa obaveznom naznakom svrhe uplate:*

„Kaucija za LOT 1 – Kamion MAN“, ili
„Kaucija za LOT 2 – Presa za baliranje“, ili
„Kaucija za LOT 3 – Sjeckalica za drvo“,
uz navođenje broja oglasa: 02-346/26.

- (3) Zaposleni u Društvu i članovi njihove uže porodice nemaju pravo učešća u kupovini.
- (4) Izabranom najpovoljnijem ponuđaču uplaćeni iznos kaucije se uračunava u konačnu kupoprodajnu cijenu.
- (5) Ponuđačima čije ponude ne budu izabrane kao najpovoljnije, uplaćeni iznos kaucije će biti vraćen na njihov račun u roku od **tri (3) radna dana** od dana donošenja Odluke o izboru najpovoljnijeg ponuđača.
- (6) Ukoliko izabrani ponuđač odustane od svoje ponude, ne pristupi zaključenju ugovora ili ne uplati preostali iznos kupoprodajne cijene u ostavljenom roku, gubi pravo na povrat uplaćene kaucije, a ta sredstva postaju prihod Društva.

VII SADRŽAJ I DOSTAVLJANJE PONUDA

- (1) Ponuda se dostavlja u zatvorenoj i neprovidnoj koverti, na način da se njen sadržaj ne može saznati prije zvaničnog otvaranja. Ponude se dostavljaju lično putem protokola Društva ili preporučenom poštom na adresu:

„REGIONALNA DEPONIJA MOŠĆANICA“ d.o.o. Zenica
Mošćanica bb, 72000 Zenica

sa obaveznom naznakom na prednjoj strani koverta: „NE OTVARAJ” – Ponuda za
LOT broj: _____
(navesti broj i naziv lota)

- (2) Ponude se dostavljaju na propisanom obrascu. Obrazac ponude i izjave mogu se preuzeti na službenoj web stranici Društva ili na protokolu Društva.

(3) Obavezni sadržaj ponude za fizička lica:

- a) popunjen i vlastoručno potpisan obrazac ponude,
- b) kopija važeće lične karte,
- c) dokaz o uplati kaucije u iznosu od 10.000,00 KM za LOT1, odnosno po 1.000 KM za LOT2 i LOT3 (originalni primjerak uplatnice ili izvod).
- d) ovjerena pisana izjava ponuđača da će, u slučaju izbora, preostali iznos kupoprodajne cijene uplatiti u roku od tri (3) radna dana od dana prijema Odluke o izboru.

(4) Obavezni sadržaj ponude za pravna lica:

- a) popunjen i potpisan od strane ovlaštenog lica i ovjeren pečatom pravnog lica obrazac ponude,
- b) Aktuelni izvod iz sudskog registra (kopija ne starija od 3 mjeseca),
- c) kopija Uvjerenja o poreskoj registraciji (ID broj),
- d) kopija Potvrde o registraciji obveznika indirektnih poreza (PDV broj, ukoliko je primjenjivo),
- e) dokaz o uplati kaucije u iznosu od 10.000,00 KM za LOT1, odnosno po 1.000 KM za LOT2 i LOT3 (originalni primjerak uplatnice ili izvod).
- f) ovjerena pisana izjava ovlaštenog lica da će pravno lice, u slučaju izbora, preostali iznos kupoprodajne cijene uplatiti u roku od tri (3) radna dana od dana prijema Odluke o izboru.

- (5) Rok za dostavljanje ponuda je **25.06.2026. godine do 11:00 sati**.

- (6) Ponude koje pristignu nakon isteka roka iz stava (4) ove tačke smatraju se neblagovremenim. Ukoliko na vanjskoj koverti neblagovremene ponude nije naznačen pošiljalac, Komisija će kovertu otvoriti isključivo u svrhu identifikacije pošiljaoca

(saznavanja naziva/imena i adrese), nakon čega će se ponuda, bez razmatranja njenog sadržaja i cijene, uz službenu zabilježku vratiti pošiljaocu putem preporučene pošte. Nepotpune ponude Komisija će odbaciti i neće ih uzimati u razmatranje.

VIII POSTUPAK OTVARANJA PONUDA

- (1) Javno otvaranje pristiglih kovertiranih ponuda održat će se dana **25.06.2026. godine sa početkom u 11:30 sati**, u sali za sastanke na prvom spratu upravne zgrade Privrednog društva „REGIONALNA DEPONIJIA MOŠĆANICA“ d.o.o. Zenica, na adresi Mošćanica bb, Zenica.
- (2) Postupak otvaranja i vrednovanja ponuda provodi Komisija imenovana posebnom Odlukom direktorice Društva.
- (3) Javnom otvaranju ponuda mogu prisustvovati samo ponuđači lično (fizička lica / ovlašteni zastupnici pravnih lica) ili njihovi opunomoćenici, uz predočenje važećeg identifikacionog dokumenta i pisane punomoći neposredno prije početka otvaranja ponuda.
- (4) Sadržaj svake otvorene ponude (podaci o ponuđaču i ponuđena cijena) javno se čita i unosi u Zapisnik o radu Komisije koji potpisuju svi članovi Komisije.

VIII POSTUPAK IZBORA NAJPOVOLJNIJEG PONUDAČA

- (1) Komisija nakon otvaranja ponuda vrši provjeru formalne ispravnosti dokumenata, te sastavlja rang-listu prihvatljivih ponuda prema visini ponuđene cijene, počevši od najviše.
- (2) Osnovni kriterij za izbor najpovoljnijeg ponuđača je visina ponuđene cijene tj. predmet prodaje će se prodati ponuđaču koji ponudi najvišu cijenu, pri čemu se svaki LOT vrednuje i dodjeljuje zasebno.
- (3) U slučaju da pristigne samo jedna prihvatljiva ponuda koja sadrži ponuđenu cijenu jednaku ili višu od početne cijene, ista će se smatrati prihvatljivom.
- (4) Ako pristignu dvije ili više ponuda sa identičnom najvišom ponuđenom cijenom, prednost ima ponuda koja je vremenski ranije zaprimljena na protokolu Društva (prema datumu i satu upisanom na koverti).
- (5) Ponuđač može povući svoju ponudu isključivo putem pisane obavijesti dostavljene na protokol Društva najkasnije do momenta početka javnog otvaranja ponuda (do 25.06.2026. godine u 11:30 sati).
- (6) U slučaju da ne bude zaprimljena niti jedna ponuda odnosno da niti jedna ponuda ne bude prihvatljiva, direktor Društva će donijeti odluku o poništenju postupka prodaje.

IX PLAĆANJE, ZAKLJUČENJE UGOVORA I PREUZIMANJE

- (1) Direktor Društva na prijedlog Komisije donosi Odluku o izboru najpovoljnijeg ponuđača, koja se dostavlja svim učesnicima postupka putem elektronske pošte navedene u obrascu za ponudu i od tog dana počinje teći rok za uplatu.
- (2) Izabrani ponuđač je dužan uplatiti preostali dio kupoprodajne cijene (nakon odbitka kaucije) na transakcijski račun Društva broj **1861610310717182** otvoren kod **ZiraatBank BH d.d.** u roku od **tri (3) radna dana** od dana prijema Odluke o izboru.
- (3) Kupoprodajni ugovor bit će zaključen u roku od tri (3) radna dana od dana evidentiranja uplate cjelokupnog iznosa cijene na račun Prodavca.
- (4) Primopredaja će se izvršiti odmah nakon potpisivanja ugovora, sačinjavanjem obostrano potpisanog Zapisnika o primopredaji. Kupac je u obavezi da o svom trošku organizuje i izvrši preuzimanje i odvoz predmeta prodaje iz kruga Društva najkasnije u roku od tri (3) radna dana od dana potpisivanja ugovora.
- (5) Sve troškove prenosa vlasništva, poreza, transporta, registracije, (ukoliko je primjenjivo) kao i druge eventualne troškove u vezi sa kupovinom i preuzimanjem predmeta prodaje snosi kupac.

(6) *Ukoliko izabrani ponuđač ne izvrši uplatu cijene ili odbije potpisati ugovor u utvrđenim rokovima, smatrat će se da je odustao, pri čemu gubi pravo na povrat kaucije. U tom slučaju, Društvo će Odluku o izboru staviti van snage i ponuditi zaključenje ugovora drugorangiranom ponuđaču, pod uslovom da je njegova ponuđena cijena bila jednaka ili viša od početne cijene.*

X ZAVRŠNE ODREDBE

Privredno društvo „REGIONALNA DEPONIJA MOŠĆANICA“ d.o.o. Zenica zadržava diskreciono pravo da u bilo kojoj fazi postupka, a najkasnije do momenta potpisivanja ugovora, poništi ovaj Javni oglas u cjelosti ili djelimično, bez obaveze navođenja posebnih razloga i bez ikakve materijalne ili druge odgovornosti prema učesnicima oglasa za eventualne troškove.

Broj: 02-346/26

Datum: 15.06.2026. godine

Direktor

Mia Pojskić, dipl.oec.